

河津縣志

卷一

星野

疆域附舖

沿革

形勝

卷二

山川附水利道路

古蹟附陵墓坊表

風俗附節序

物產

重修河津縣志叙

唐年小春余未宰津邑初
下車窺以為龍門勝地代
有名儒如司馬太史公王文
中子薛文清公者後先相
映卓越千秋余生也晚恨不
得入其門牆而親炙之猶

河津縣志

沈序

一

幸得遊其故里覽其遺蹟
益知此地之風土人情其古
樸淳龐少由諸名儒澤垂
璞玉之品詭驤虜步之文
所潛移莖化積厚而涵者
也及閱邑乘井有條班
可考而三十年前之宰是



邑因修是邑之志者既有
時令是些已導以蒞跡余
今躬步其後塵爰集外翰
狂二公並闔邑紳士而共商
之密詔創是書者難而修
是書者亦難重修是書豈
復易之譬如織錦經緯第

端積日累月歲其功而眩風
舒之然後光采奪目譬如
望山拾級以上攀藤牽葛
躋其巔而凌玄壑之然後
風景就衣人諸公曰善譬如
美柔也願廣披博採負春
購梨以仰一副雅素而竹囊

厥事余竊喜是書曰藉諸
公之力以成余亦曰藉諸公
成畫之力而名附驥尾至於
過此以往鍾英毓秀時有
瑞徵可枚柔當復鑄入
是畫以揚神

國

家之畫事是又禮諸後三十

河津縣志

沈序

三

年之相繼而末宰是邑者
是為序

嘉慶甲戌中秋月知河
津縣事古越沈千鑑書
於璧齋



舊叙

黎某書

歲乙酉余隨侍先大夫東雍官舍時先大夫備州志並飭五邑乘時纂輯比州志成各邑亦先後告竣而河津獨未見報蓋公窮齡書將成而遷唯河津故有缺焉丁丑余始莅河津索邑志

河津縣志

張序

四

見黃公底本其卷端猶列先大夫銜名以字安知十餘年後焉復莅此耶第始下車百事謂集未遑及此比年政簡民安得與諸士大夫商輯前志藉以表公未竟其事為憾至寅冬仲以糾同人集文清書院山長吳簡

齋司禱范程臣採其事諸書
明經學博分其任而余簿書
暇亦披閱教道之訣其志心
以期詳贍以宜可傳於後矣
矣月書成登屋為第千卷印
刷是皆紳士之急公諸君之
襄年何力之有至強出志以
說

先大夫輯州志時并飭閱屬
乃四邑之志皆成而河津獨缺閱
十二歲而曷在也又閱六年而曷修
此則生出不特竟其志之缺而實
承先大夫志也其果有待乎
夫古者世官叮嚀授手其相承
猶意中事也其後代之登仕版

父子異時宦遊無定而好適古所
屬之地補輯未竟之書斯真近
時之所罕而易竊私幸者也用叙
鄭末以識所遭如是

乾隆癸卯花朝日知河津縣事

京江張其昌書於恭靜堂



此为试读, 需要完整PDF请访问: www.ertongbook.com

舊序

張汝乾

余於隆慶庚午春來令河津索覽邑志惟獲禹門圖集因愕然曰邑必有志用以紀政務達民隱昭勸懲也矧河津乃古殷墟代出名賢顧無志以備考覽卽有念及民瘼切於拯濟者何由詢訪學者欲效先賢奚以觀摩往來之景仰賢哲者何所信而禮於其廬乃集合邑士夫會議修輯僉謂百年缺典亟宜舉行爰設公所購史籍採輿情凡例之當載者一一收錄稿成送庠校之雖典贍精詳未及通都大邑之志而山川風土展卷了然無論一邑獻文桑梓士夫應備掌故卽凡有民社之責

河津縣志

序

七

者欲設施措置於其間亦觀覽之一助也遂自忘固陋并數語於卷端以識其由皆萬歷癸酉春日

舊序

郭景昌

志與國史相爲表裏而纂言紀事所以垂久遠昭勸懲也邑自隆慶四年修志迄今六十餘載無所叅攷茲非守土者一大缺典哉間擬修輯前志比游多故四方車軌輪蹄之煩加以兵餉軍需徵發賦調分遣弗給而遑及此此仕而優者之難也顧再遲之又久恐殘缺益多爰於簿書紛擾之餘拳拳茲事於凡輿地建設田賦之志今仍舊無敢妄爲增減至若官職人物雜志未免世變推移每多散佚今於官職以下凡六十餘年未備者搜之往牒詢之故老訂之金石而又於藝文之載揚古

河津縣志

序

八

蹟者並前作後繼附之簡末豈徒侈藻飾麗而哀集成卷六十年來之所增又彬彬如是也嗟夫一邑之志猶小焉者耳尚冀天相勸我國家旦夕盡殲寇盜並得中外百執事衡心易慮留意邦本與斯民共享平康綏輯之祐則將紀盛世之休明夫豈蕞爾之文獻也哉崇禎五年歲次壬申夏五

舊序

馬光遠

昔者蕭相入關先收秦圖籍用是具知天下戶口多少
阨塞險要之處爲政者因俗以立制量地以設防彼蓋
有所取非具文而已也嘗讀書見孔子刪定斷自陶唐
平陽蒲坂之墟堯舜所都平地成天爰賴禹績禹貢所
載九州山川其備也如彼而龍門一鑿經始冀方神功
明德萬世有述不具論矣以今相傳河津爲殷祖乙故
都凡歷七世乃傳稱其斥鹵墊隘歲瀕河患昔王憫焉
自是以後沿革不常名賢之所生風土之所存代有足
傳者未或廢而不紀也今

河津縣志

序

九

天子御極之十有一年將以徵文考獻廣教美俗令直省修
通志而府州縣各修其郡邑之志以報甚盛典哉間考
河津縣志修於前明萬歷間蒐輯畧備顧余不敏方於
去年辛亥之夏來吏茲土簿書鞅掌未遑討論不且貽
殘缺之羞於是勉與邑之薦紳先生越博士弟子據其
舊文增以近事釐爲八卷庶幾都邑人民風土文物之
數大概可觀矣余於此因有感焉自勝國末游經寇氛
城郭殘於灰烟村墟殫於兵燹而且河伯爲虐民苦蕩
析曩時之盛百不逮一幸我

國家重熙累洽撫遺黎而衽席之以生以聚然其凋敝既

久元氣未復有司民之責者凡所以恤民隱昭勸懲而
奉宣德意以庶幾陶唐虞夏之遺可勿念歟邑之人僉
曰然姑論次而序之如此若夫東海鄙人不媚潤色未
暇計也昔康熙壬子仲冬

舊序

余自束髮受書讀禹貢導河積石至於龍門神往者久之繼覽太史公史記文中子中說薛文清公讀書錄未嘗不穆然想見其爲人考之則皆龍門產乃益歎龍門爲名勝區而思浮江淮陟嵩華循孟津溯砥柱眺禹門之勝而未果也乾隆己卯奉

簡命承乏於蒲尋量移河津津故龍門地竊喜以宦遊慰夙志下車日周覽其山川形勢奠麗依然而流風善政土物人文幾同葉落鴻飛詢之吏以一編進則前令馬君光遠所輯而刊者披閱數過事畧文襍義例未著

河津縣志

序

七

且考邑志權輿於前明萬歷時張令汝乾其後一修於崇禎壬申再輯於康熙壬子泊於今又九十餘年矣其間風土異尚人文遞更不但魚魯舛謬且掛漏滋甚亟思一爲訂正而案牘絲棼日無暇隙無何

州憲以舊志漫漶將興重輯之役因馳檄徵縣志廼集邑廣文暨各紳士蒐討軼聞採訪近事開局纂修適王太史貞齋以需次家居余宰蒲久悉其人延至屬楮筆冗者刪缺者補舛錯者更定譌謬者釐剔而余於簿書少暇亦時探討相與折衷之經始於癸未孟冬再歷晦朔而書成額爲十二卷爲類得二十有六益前志數倍

有奇而余因是更有感焉志之由來尚矣采自輿誦掌
自職官所以考形勢稽盛衰覈名實別貞淫原輿國史
相表裏則志實考治之書而斯編之作豈徒表禹門之
勝跡述耿鄉之遺文模水範山爲足以當卧遊而快夙
願哉昔漢宣帝核吏必叅攷輿圖向文簡周知天下戶
口扼塞爲救時宰相予不敏不敢希踪前哲竊思與此
邦人士撫摩而教誨之不負今日之宦遊者請自此志
始時

乾隆二十八年歲在癸未仲冬彭蠡黃鶴齡書於龍門
官舍

河津縣志

凡例

一舊志始於前明萬歷癸酉縣令張汝乾創修分六卷崇禎壬申縣令郭景昌重修增職官人物藝文國朝康熙壬子縣令馬光遠又重修釐爲八卷乾隆癸未縣令黃鶴齡重修分爲十二卷未歲其事今續修付刊嘉慶甲戌縣令沈千鑑重修較前詳備

一志分二十六門而領以四部一曰地輿沿革疆域山川皆地也古蹟風俗物產皆隸於地也分野地之繫也二曰官政城池祠祀學校田賦以及選舉

河津縣志

凡例

皆政也職官立政之人也三曰人物孝義列女諸科皆人也統以人物而類分焉不沒其實也四曰藝文著述者文之萃也雜志者文之餘也又有附見各目下者如水利附於山川丁徭附於田賦陵墓附於古蹟諸如此類歸併以便披閱

一職方掌九州圖籍而籍不先圖有圖而後山川形勢遠近險夷可得而知也茲併分野列爲八圖俾觀者瞭若指掌

一山川爲一邑門戶而疆域之位關津之界以定今與關隘津梁俱注明里數遠近開卷了然若地理

山川古蹟陵廟有禠見傳說者雖片辭必掇一以存掌故一以資憑弔

一城池爲保障所係必書創始周迴里步及重修各姓名著有功也學校公署準此

一丁戶貢賦悉遵全書提挈股項照原額實熟新墾開列確數其數目銀至分釐粟至升合止以其異於胥吏案牘也

一秩祀首錄祀典所載若古帝王及將相名賢高士用仍其舊其他非鬼而祀是教人諂也不書至仙釋寺觀錄之以存法戒非張二氏之幟

河津縣志

凡例

二

一名宦必有功於地方名實相副則書之而在位在世者例不得書

一選舉惟薦辟最古故首列之次進士次舉人次貢生重科目也次上舍重異才也次武科重干城之選也

一前代人物必核其爲邑產始列之若異地名賢僑居於此者則列流寓不妄附

一人物有載正史者或全錄或節錄期於徵實其有祖孫父子繼顯者並書或不足以概其長亦另書而在位在世例不書

一孝義節烈風化攸關除照舊志登載外其續入者必經公舉呈縣核實否則概不收錄

一風俗關一邑盛衰今昔不同照舊志書錄外間著新論轉移之機深有望於司世教之君子

一藝文惟有關地方有益政治者錄之模山範水之作間登一二要與本邑有關涉否則雖有名篇概從割愛

河津縣志

目錄

卷之一

星野

沿革

疆域

鋪遞附

形勝

卷之二

山川 水利津梁附

古蹟 陵墓坊表附

風俗 節序附

物產

卷之三

城池 坊里附

壇廟 寺觀附

河津縣志

目錄

一

公署

卷之四

學校 書院附

田賦 丁徭稅課倉儲
鹽引附

兵防

卷之五

職官 宦蹟附

封爵

卷之六

選舉 封贈附

卷之七

人物

孝義